

դրով է կատարուած : Անտարակոյս Հէլլա-
դայում գտնուած Կիկլոպեան պարիսպներից
չատ վաղ, մի քանի դարով վաղ են կաղմա-
կերպուած Ճորոխի Աւազանի աշխատարեան
պարիսպները, որոնք ո՛չ միայն չորս-հինգ
անգամ աւելի վիթխարի եւ անտաշ քարերից
են շինուած, այլ 10—20 անգամ աւելի մե-
ծածաւալ են, անտաշ ու կոպիտ :

Այս բոլորից նկատելի է, որ Ճորոխի
Աւազանը ունեցել է .

1. Աշխատարեան շրջան . որը տեւել է
դարեր եւ թողել է ա՛յնքան մեծ յիշատա-
կարաններ, որոնք ցոյց են տալիս, թէ
մարդկային ի՛նչ գերագոյն ճիգեր են թա-
փուել այդ ամբողջների բերդերի եւ պարիսպ-
ների վրայ, որոնք կերտուել են դժոխային
տանջանքներով :

2. Այս դարին յաջորդել է կոկուած քա-
րային դարի շրջանը, երբ մարդիկ ո՛չ միայն
քարը կոկել, ուղղել եւ դրանցով պարիսպ-
ներ ու աշտարակներ են կառուցել, այլ եւ
կոկուած քարից ամէն տեսակ գործիքներ են
պատրաստել ու մեզ թողել :

3. Պղնձի դարի նախնական շրջանը .
երբ ո՛չ միայն պղինձը բովերից դուրս են
բերել մեծամեծ քանակով, այդ պղնձից շի-
նել են դէնքեր, զարդեր եւ ամաններ : Այս
շրջանը Ակկատ-Սումերների հետ ամբողջ
Միջագետքում մտաւոր եւ արհեստների
զարգացման հետ է կատարուել, մինչեւ գե-
տերի ակունքը եւ Տայոց-Դայիանի երկիրը :